

2-19898/23

04-12-2023


საქართველოს პარლამენტის ბიუროს

საქართველოს პარლამენტში 2023 წლის 15 ნოემბერს ინიცირებული იქნა საქართველოს კანონის პროექტი „საქართველოს საგადასახადო კოდექსში ცვლილების შეტანის შესახებ“ (N 07-3/388/10). აღნიშნული კანონპროექტი საქართველოს პარლამენტის რეგლამენტით გათვალისწინებული პროცედურების შესაბამისად განხილულ იქნა შესაბამისი კომიტეტების მიერ. საკომიტეტო განხილვებისა და შემდგომი პროცედურების განხორციელებისას წარმოიშვა რიგი საკითხები, რომლებიც დამატებით დამუშავებს საჭიროებს. ამასთანავე, როგორც ამავე კანონპროექტის განმარტებით ბარათშია მითითებული, დღეის მდგომარეობით მტკნარი წყლის ჩამოსხმის უფლების მქონე გარკვეულ პირებს ფაქტობრივად არ გააჩნიათ მოქმედი ბიზნესი, გარკვეული ნაწილი აღარ ფლობს საქმიანობის ლიცენზიას (რიგ შემთხვევაში ადგილი ჰქონდა ლიცენზიების გაყიდვას, დაბრუნებას ან/და გაუქმებას), რადგან მათ ტექნიკური, ადმინისტრაციული პროცედურები, შესაბამისი ინფრასტრუქტურის მოწყობის ეტაპები არ ჰქონდათ დასრულებული და სამუშაოების დაწყების შესაძლებლობა არ გააჩნდათ. შესაბამისად, მტკნარი წყლების ჩამოსხმის მიზნით გამოყენებისთვის სასარგებლო წიაღისეულის მოპოვების ლიცენზიების (შესაბამისი დამტკიცებული ათვისების გეგმით ან მის გარეშე) მქონე პირებს, არ მოუხდენიათ მტკნარი წყლის რესურსის გარემოდან ამოღება, მისი მოპოვება და ჩამოსხმა. ლიცენზიის მფლობელთა შემოწმების შედეგად არ დგინდება მათ მიერ ბუნებრივი რესურსის მოპოვების ფაქტი, ხოლო მათგან მოსაკრებლის თანხის და მასზე დარიცხული საურავების ამოღება თითქმის შეუძლებელია სახელმწიფოს მხრიდან. თავის მხრივ, აღნიშნული დარიცხვები, დღითიდღე იზრდება, რაც პრობლემას უქმნის ამ პირებს თავიანთ საქმიანობაში, იქნება ეს საბანკო კრედიტების აღება თუ სხვა, ამიტომ მიზანშეწონილია კანონპროექტის დაჩქარებული წესით განხილვა და მიღება.

ყოველივე ზემოაღნიშნულიდან გამომდინარე, გთხოვთ, განსაზღვროთ წარმოდგენილი კანონპროექტის დაჩქარებული წესით განხილვისა და მიღების ახალი ვადები.

პატივისცემით,


პარლამენტის წევრი
ლევან მგალობლიშვილი



პარლამენტის წევრი
ირაკლი მეზურნიშვილი



პარლამენტის წევრი
გიორგი ჩაკვეტაძე



პარლამენტის წევრი
ანზორ ბოლქვაძე

